



## **Universitätsbibliothek Paderborn**

### **Instructio practica ...**

Continens Armamentarium Seu Panoplima Spiritualem - Id est, Varia arma  
& media ad omnis generis tentationes fortiter sustinendas, & feliciter  
superandas, Ad Omnium Quidem Animarum

**Lohner, Tobias**

**Dilingæ, 1688**

Tent. VII. Ob illusiones in Oratione.

[urn:nbn:de:hbz:466:1-48377](#)

aufferretur ab eo stimulus carnis, Angelus Satane, tamen rogavit, & non accepit, quia tempus adhuc rat exercenda infirmitatis. Petet job tentandum Diabolus, & accepit. Attendite, Fratres mei, magnus Mysterium discendum, repetendum, tenendum anima nunquam obliviscendum propter abundantiam in hoc seculo. Quid dicam? revera comparandus Apostolum Diabolo? Apostolus rogat, & non accipit. Diabolo petit, & accipit. Sed non accipit Apostolus proprie perfectionem suam, accipit Diabolus ob damnationem suam. Denique ipse job accepit sanitatem in opportunitate; dilatus est enim, ut probaretur, & diu sedum pulvere, & rogabat DEVM, ut auferrentur ab eo ista, & DEVIS non aufererentur. Citius Diabolus exaudivit, ad eum tentandum & quam ipsum jobum ad Sanandum ideo concessus est iste tentandus, ut eo probato esset illud cruciandus. Dicite ergo non murmurare adversum DEVUM &c.

## §. VII.

## Tentatio VII. circa illusiones in oratione.

XLV. **A**lipius Novitus audiens, Dæmonem nullum ferè rei, quam orationi magis insidiatur, atque adeò vatijs illusionibus fructum illius impedit conari, vehementer timet, ne & sibi similibus temptationibus imponat ille Veterator; quare temptationem hanc suam, sollicitudinemque Confessario suo aperit, & contra ejusmodi illusiones instrui, & armari petit. Quæritur, quomodo id præstare debeat Confessarius.

## Responsio.

XLVI. In primis illi significet, varias quidem esse illu-

illusiones, quibus Dœmon Orantibus imponere solet, sed easdem ad quatuor præcipue genera revocari posse, scilicet ad materiam, formam, finem, effectum orationis, uti ex dicendis apparebit. 1. Itaque ostendat, circa Materiam orationis eatenus ipsum illudere, quatenus persuadet orantibus, ut non nisi materias sublimes pro Meditatione eligant, variasque in ea revelationes & apparitiones desiderent; cui illusioni occurrentum est ostendendo, quod hoc ipso, quod Novitius iste adhuc parvulus sit in perfectione, lacte potius, quam solido cibo refici opus habeat, ne si istum temere sibi eligere præsumperit, ab eo suffocationis magis, quam fructuosæ refectionis periculum incurrat. Addat etiam, quod revelationes, hoc ipso, quod sint extraordinarius DEI favor, qui nec magis Sanctum facit, si adsit: nec minus Sanctum, si absit, merito non sint petenda à DEO, sed potius si dentur, cum magna reverentia & humilitate acceptandæ, &c, quantum fieri potest, occultandæ exemplo Christi saepius prohibentis, ne miracula à se patrata manifestarentur. Hinc S. Bernardus recte monet, illam Isaiae c. 14. sententiam: *Secretum meum mihi: in parietibus cubiculi, aut certè in ipso corde esse scribendum.*

XLVII. Secundò ostendat, circa formam Orationis Dœmonem illudere, quatenus impellit ad cæremoniæ sacras & situm corporis decentem in oratione contemnendas, quasi incipientibus magis, quam perfectis convenientes; cui illusioni occurrat Confessarius, ostendendo cæremoniârum istarum utilitatem, utpote quæ perinde conducunt ad virtutes conservandas & acquirendas, sicut accidentia ad substantiæ productionem.

ductionem & conversationem ; & præterea faciunt ut homo non secundum animam duntaxat , sed corpus etiam servitio Creatoris impendatur, sicutque perfectum fiat holocaustum ; quæ ratio sane persuaderet ab ipsis etiam perfectis tantò accuratiùs esse observandas , quantò magis ab ijs , quam ab imperfectis ejusmodi holocaustum exspectatur.

XLVIII. Tertiò ostendat circa finem orationis illudere dæmonē quatenus impellit ad orationis exercitium tanti estimandū , ut præ illo aliarum virtutum , obedientiæ præsertim , & mortificationis studiū negligatur qui error , teste Granatenſi l.2. c.57. est unus ex primatissimis qui in hac vita solent occurrere , imò & ex universalioribus . quia in omnibus , & per omnia destruit vitam Spiritualem , quæ est divinæ legis adimpletio , ad quæ oratio velut medium ordinatur , quem tamen Ordinem hic error invertit , dum ex medio finem , & ex fine medi facit. Quare ut huic illusioni solidè occurratur , ante omnina Christi verba Luc. 9. præ oculis habenda sunt : *Quoniam vult venire post me , abneget semetipsum , Et tollat crux suam , Et sequatur me.* Quare ita experat , & recipiat donum orationis , ut tamen semper meminiret , si binon tantum in colle thuris , sed etiam Myrræ & commorandum esse. Sequatur item morem victorum , qui ita intrant hospitium , & jentaculum sumunt , ut tamen simul etiam sollicita sint de eo , quo restat , itinere peragendo ; similiter ergo & ipse infruatur divinâ dulcedine inter orandum haustâ , ut tamens resolvat , ac paratus sit , ad reliquum vitæ iter per asperas vias tribulationum , amore illius , à quo tan suaviter recreatur , sustinendarum conficiendum.

XLVIII

XLVIII. Quartò illi ostendat, circa fructum & effectum Orationis illudere Dæmonem solere, dum vel ad Magistros Spirituales contemnendos Instigat, et quod per Orationem ipsi à nobiliori Magistro instruantur: vel certè ad alios, qui non tam bene orare nōrunt, præ se nihil faciendo incitat; cui utriusque tentationi occurrendum erit, ostendendo in primis, quām constanter D E U S hunc morem tenuerit, ut homines pro instructione ad homines miserit, ita ut ipsum S. Paulum ad Ananiam pro simili instructione allegarit, atque ideo multos, qui ejusmodi instructionem & humilitatem neglexerunt, dono orationis privaverit, uti ex Hæresiarchatum, aliorūmque Spiritualium virotum ruina patet. Deinde pariter ostendat, quām insipienter faciat, alios omnino perferam orationem contemnendo, cum, sicut à circuli peripheria variæ lineæ tendunt ad centrum; ita variæ quoque sint in hoc orbe viæ ad D E U M , qui centrum nostrum est, perveniendi; unde ergo scit, quod alias non æquè bonam, aut etiam compendiosiorem, v. g. viam mortificationis, elegerit; aut etiam ex ipsa sua oratione licet arida & minùs perfecta plùs meriti & fructus reportarit; ut adeò hic maximè locum habeat illud Apostoli Rom. 14. Is, qui manducat (& bene orat) non manducantem (aut minùs bene orantem) non spernat: Et qui non manducat (aut orat) manducantem (sive suaviter & bene orantem) non judicet.

\* \* \*

E

CAPUT